

AKTI I THEMELIMIT DHE STATUTI

I

LOJOLA Consulting SHPK

Në përputhje me ligjin nr. 9901, datë 14.04.2008 “Për tregtarët dhe shoqëritë tregtare” i ndryshuar si dhe legjislacionin në fuqi në Republikën e Shqipërisë,

- **Z. Olindo Shehu**, shtetas shqiptar, lindur me datë 09.09.1979, mbajtës i letërnjoftimit nr. H90909073A;

Dhe

- **Znj. Arbërorë Shehu**, shtetase shqiptare, lindur në 25.04.1985, mbajtëse e letërnjoftimit nr. I55425094C
në cilësinë e ortakëve, me vullnetin e tyre të lirë dhe të plotë, nëpërmjet këtij dokumenti themelojnë sot në datë 13.09.2024, një shoqëri me përgjegjësi të kufizuar (shpk) në përputhje me legjislacionin në fuqi të Republikës së Shqipërisë dhe këtë akt.

KREU I

DISPOZITA TË PËRGJITHSHME

Neni 1

Emërtimi i Shoqërisë

- 1.1 Ky akt, (këtu e në vijim referuar si "**Statuti**") rregullon organizimin dhe funksionimin e shoqërisë me përgjegjësi të kufizuar, të emërtuar si **LOJOLA Consulting Shpk** (më poshtë referuar si "**Shoqëria**").

Neni 2

Forma Ligjore

- 2.1 LOJOLA Consulting Shpk është shoqëri me përgjegjësi të kufizuar, e themeluar dhe e organizuar në përputhje me legjislacionin shqiptar dhe në veçanti me dispozitat e Ligjit Nr. 9901, Datë 14.04.2008



“Për Tregtarët dhe Shoqëritë Tregtare”, i ndryshuar, (këtu e në vijim referuar si “**Ligji i Shoqërive Tregtare**”), dhe në përputhje me këtë Statut.

Neni 3

Selia e Shoqërisë

3.1 Selia e Shoqërisë është në adresën: Rruga “Ibrahim Rugova, Pall. Arkimed 2011 Apt 1/6, Tiranë, Shqipëri”.

3.2 Shoqëria, me vendim të Administratorit/ëve, mund të hapë dhe/ose mbyllë degë, filiale, agjenci dhe/ose zyra përfaqësimi, brenda territorit të Republikës së Shqipërisë.

Neni 4

Objekti i Aktivitetit

4.1 Objekti i aktivitetit të Shoqërisë përfshin si vijon:

- Shërbime konsulence;
- Qiradhënie;
- Mësimdhënie, trajnime, kurse profesionale dhe
- Veprimtari të tjera të lejuara nga legjislacioni i zbatueshëm në fuqi.

4.2 Objekti i aktivitetit të Shoqërisë mund të ndryshohet/shtohet me vendim të Asamblesë së Përgjithshme, në përputhje me legjislacionin në fuqi në Republikën e Shqipërisë.

Neni 5

Kohëzgjatja

5.1 Shoqëria është themeluar dhe do të ushtrojë veprimtarinë e saj për një kohëzgjatje të pakufizuar, duke filluar nga data e regjistrimit të saj në Regjistrin Tregtar.

5.2 Prishja dhe likuidimi i Shoqërisë do të përcaktohet me vendim të Asamblesë së Përgjithshme të Ortakëve, sipas dispozitave të këtij dokumenti dhe legjislacionit në fuqi.

KREU II

KAPITALI THEMELTAR

Neni 6



Kapitali Themeltar

- 6.1 Kapitali themeltar i Shoqërisë është 100 (njëqind) Lekë.
- 6.2 Kapitali themeltar i nënshkruar përbëhet nga 2 (dy) kuota me vlerë të barabartë, në përputhje me nenin 7 më poshtë.

Neni 7

Ortakët

- 7.1 Ortakët e Shoqërisë janë:
- Z. Olindo Shehu, shtetas shqiptar, lindur në 09.09.1979, në Vlorë, mbajtës i kartës së identitetit nr. H90909073A, me adresë në: Rruga Ibrahim Rugova, Pallati Arkimed, Njësia nr. 5, Tiranë, Shqipëri, zotërues i 1 (një) kuote që korrespondon me 50% të kapitalit të Shoqërisë, me vlerë 50 lekë.
 - Zj. Arbërorë Shehu, shtetase shqiptare, lindur në 25.04.1985, në Tiranë, mbajtëse e letërnjoftimit nr. I55425094C, me adresë në: Rruga Ibrahim Rugova, Pallati Arkimed, Njësia nr. 5, Tiranë, Shqipëri, zotërues i 1 (një) kuote që korrespondon me 50% të kapitalit të Shoqërisë, me vlerë 50 lekë.
- 7.2 Kuotat mund të transferohen në çdo kohë bazuar në dispozitat parashikuar në këtë Statut.

Neni 8

Zmadhimi dhe Zvogëlimi i Kapitalit

- 8.1 Kapitali themeltar mund të zmadhohet në çdo kohë, në përputhje me legjislacionin në fuqi dhe me vendim të Asamblesë së Përgjithshme të Ortakëve sipas parashikimeve në këtë dokument.
- 8.2 Në rast të zmadhimit të kapitalit, të gjithë ortakët kanë të drejtë të marrin pjesë në zmadhimin e kapitalit në përpjesëtim me pjesën që zotërojnë në kapitalin e Shoqërisë. Nëse ndonjë prej ortakeve heq dorë nga e drejta e tij për nënshkrim, pjesa e papajtuar e kapitalit mund të nënshkruhet nga ortakët e mbetur në përpjesëtim me pjesën që ata mbajnë në kapitalin themeltar të Shoqërisë.
- 8.3 Shoqëria mund të zvogëlojë kapitalin, me vendim të Asamblesë së Përgjithshme të Ortakeve. Në çdo rast, kapitali nuk mund të zvogëlohet nën 100 lekë (njëqind lekë), që është vlera minimale e kërkuar nga Ligji i Shoqërive Tregtare.
- 8.4 Zvogëlimi i kapitalit të Shoqërisë do të afektojë të gjithë ortakët në raport me pjesën që ata mbajnë në kapitalin themeltar të Shoqërisë.



Neni 9

Transferimi i kuotave

- 9.1 Kuotat transferohen nëpërmjet shitjes, dhurimit, trashëgimisë ose çdo mënyre tjetër të parashikuar nga legjislacioni në fuqi, në çdo kohë.
- 9.2 Kuotat transferohen lirisht ndërmjet ortakëve.
- 9.3 Për çdo formë transferimi të kuotave (përfshirë transferimin pa shpërblim) të persona/subjekte të ndryshëm nga ortakët, ortakët ekzistues të Shoqërisë kanë të drejtën e parablerjes mbi kuotat e parashikuara për t'u transferuar.

KREU III

ORGANIZIMI I SHOQËRISË

Neni 10

Asambleja e Përgjithshme e Ortakëve

- 10.1 Organi më i lartë vendimmarrës i Shoqërisë është Asambleja e Përgjithshme e Ortakëve.
- 10.2 Asambleja e Përgjithshme e Ortakëve përfaqëson të gjithë ortakët, dhe vendimet e saj të marra në zbatim të legjislacionit dhe këtij dokumenti, janë të detyrueshme për të gjithë ortakët. Asambleja e Përgjithshme e Ortakëve është përgjegjëse, ndër të tjera, për vendimet në lidhje me sa vijon:
- i. përcaktimi i politikave tregtare të Shoqërisë;
 - ii. ndryshimin e Statutit;
 - iii. emërimin dhe shkarkimin e administratorëve, audituesve dhe likuiduesve si dhe shpërblimin e tyre;
 - iv. mbikëqyrjen e zbatimit të politikave tregtare nga administratorët;
 - v. zmadhimin dhe/ose zvogëlimin e kapitalit të shoqërisë,
 - vi. transferimin e kuotave;
 - vii. shpërndarjen e dividendit;
 - viii. riorganizimin dhe/ose shpërbërjen e Shoqërisë;
 - ix. dhe çdo çështje tjetër të përcaktuar nga legjislacioni në fuqi dhe ky Statut;

Neni 11

Pjesëmarrja në Asambleenë e Përgjithshme të Ortakëve, thirrja, kuorumi dhe vendimet



11.1 Çdo ortak ka të drejtë të marrë pjesë në Asamblenë e Përgjithshme të Ortakëve dhe të votojë në përpjesëtim me pjesëmarrjen e tij në kapitalin e Shoqërisë.

11.2 Çdo ortak ka të drejtë të përfaqësohet nga çdo person i tretë apo nga një ortak tjetër, në bazë të një autorizimi me shkrim. Në çdo rast, autorizimi mund të jepet vetëm për një mbledhje të Asamblesë së Përgjithshme të Ortakëve, e vlefshme për mbledhjet vijuese me të njëjtin rend dite.

11.3 Asambleja e Përgjithshme e Ortakëve duhet të thirret të paktën një herë në vit, brenda 6 (gjashtë) muajve nga përfundimi i vitit financiar, për miratimin e pasqyrave financiare të Shoqërisë, dhe sa herë që Administratori e gjykon të nevojshme.

11.4 Asambleja e Përgjithshme e Ortakëve mund të mbahet në selinë e regjistruar ose në çdo vend tjetër brenda Republikës së Shqipërisë ose jashtë saj.

11.5 Asambleja e Përgjithshme e Ortakëve mund të mbahet në formatin audio ose videokonferencë, me kusht që të gjithë pjesëmarrësit të identifikohen nga kryetari dhe t'u jepet mundësia të ndjekin diskutimin dhe të marrin pjesë aktive në të. Pas verifikimit të këtyre kërkesave që duhet të paraqiten në procesverbalin e mbledhjes, Asambleja e Përgjithshme e Ortakëve konsiderohet e mbajtur në vendin ku janë të pranishëm kryetari dhe sekretari i mbledhjes.

11.6 Asambleja e Përgjithshme e Ortakëve do të konsiderohet e thirrur dhe e mbajtur siç duhet edhe nëse nuk janë respektuar të gjitha formalitetet që rregullojnë thirrjen, me kusht që të jetë i pranishëm i gjithë kapitali i kuotave dhe të gjithë ortakët e pranishëm në mbledhje bien dakord për të vazhduar me mbledhjen pavarësisht nga parregullsitë e thirrjes.

11.7 Në çdo rast, në mungesë të kuorumit, asnjë veprim nuk do të bëhet në mbledhjen e tillë dhe Asambleja e Përgjithshme e Ortakëve do të mblidhet jo më vonë se 30 (tridhjetë) ditë në të njëjtin vend dhe në të njëjtën mënyrë si ishte planifikuar Asambleja e Përgjithshme e Ortakëve e parë.

11.8 Asambleja e Përgjithshme e Ortakëve kryesohet nga kryetari i caktuar nga Asambleja e Përgjithshme e Ortakëve.

11.9 Vendimet dhe procesverbalet e Asamblesë së Përgjithshme të Ortakëve duhet të jenë me shkrim dhe të nënshkruhen nga kryetari dhe mbajtësi i procesverbalit. Vendimi duhet të përfshijë, me kërkesë të ortakëve, deklaratat si dhe qëndrimet e tyre.

Neni 12

Administrimi

12.1 Shoqëria do të administrohet nga një administrator i cili përfaqëson Shoqërinë.

Administratori i parë i Shoqërisë është:



Z. Olindo Shehu, shtetas shqiptar, lindur me datë 09.09.1979, mbajtës i letërnjoftimit nr. H90909073A me adresë në: Rruga Ibrahim Rugova, Pallati Arkimed, Njësia nr. 5, Tiranë, Shqipëri;

Administratori i vetëm emërohet për një mandat 5 (pesë) vjeçar.

12.3 Administratori/ët emërohen me vendim të Asamblesë së Përgjithshme të Ortakeve dhe mund të shkarkohen në çdo kohë me vendim të saj.

Neni 13

Kompetencat e Administratorëve

13.1 Administratori/et janë përgjegjës për administrimin e Shoqërisë dhe përfaqësojnë Shoqërinë tek palët e treta, në përputhje me dispozitat e këtij Statuti dhe legjislacionin në fuqi.

13.2 Kompetencat dhe detyrat e administratorit/ve në lidhje me administrimin dhe mbikëqytjen e veprimtarisë së Shoqërisë do të përfshijnë, por pa u kufizuar, si vijon:

- i. zbatimin e politikave tregtare të Shoqërisë dhe vendimet e Asamblesë së Përgjithshme të Ortakeve;
- ii. të sigurojnë pajtueshmërinë e Shoqërisë me ligjet dhe standardet e kontabilitetit;
- iii. të kryejnë të gjitha veprimet lidhur me administrimin e veprimtarisë tregtare të Shoqërisë;
- iv. të sigurojnë mirëmbajtjen e rregullt të dokumenteve financiare dhe kontabël të Shoqërisë;
- v. të përfaqësojnë Shoqërinë tek palët e treta;
- vi. të kryejnë të gjitha regjistrimet dhe publikimet e detyrueshme në lidhje me Shoqërinë siç kërkohet nga legjislacioni në fuqi;
- vii. të kryejnë detyra të tjera të parashikuara në ligj dhe Statut.

13.3 Administratori/et mund të ushtrojnë të gjitha kompetencat dhe veprimet, me përjashtim të atyre që me ligj dhe me këtë dokument i janë rezervuar Asamblesë së Përgjithshme të Ortakëve ose janë të kufizuara nga ky dokument ose ligji në fuqi.

13.4 Administratori/ët mund të delegojnë një pjesë ose të gjitha kompetencat e tyre personave të tjerë.

13.5 Asambleja e Përgjithshme e Ortakëve përcakton, me vendim të duhur, kufijtë dhe shtrirjen e kompetencave të çdo administratori.

KREU IV

DISPOZITA TE TJERA



Neni 14

Audituesit ligjorë

14.1 Nëse kërkohet me ligj ose miratohet nga Asambleja e Përgjithshme e Ortakëve, kontrolli i pasqyrave financiare dhe të regjistrave kontabël të Shoqërisë, do t'i besohet një ose më shumë audituesve ligjore.

Neni 15

Viti Financiar dhe Pasqyrat Financiare

15.1 Viti financiar fillon në datën 1 Janar dhe përfundon në datën 31 Dhjetor të çdo viti.

15.2 Viti i parë financiar fillon në datën e regjistrimit të Shoqërisë në Regjistrin Tregtar dhe përfundon në datën 31 Dhjetor 2024.

15.3 Pasqyrat vjetore financiare, inventari dhe raporti i administratorit/ve dhe audituesit nëse ka, miratohen nga Asambleja e Përgjithshme e Ortakëve në përputhje me Ligjin për Shoqëritë Tregtare.

Neni 16

Shpërndarja e fitimeve

16.1 Vendimet mbi shpërndarjen dhe përdorimin e fitimeve të Shoqërisë duhet të miratohen nga Asambleja e Përgjithshme.

16.2 Çdo Ortak ka të drejtë për një pjesë të fitimeve të shpërndara si më poshtë, përveç nëse përcaktohet ndryshe nga Asambleja e Përgjithshme:

- Z. Olindo Shehu: 50 %
- Znj. Arbërora Shehu 50 %

Neni 17

Shpërbërja dhe Likuidimi i Shoqërisë

17.1 Shoqëria mund të prishet me vendim të Asamblesë së Përgjithshme të Ortakëve të marrë në bazë të kuorumit të vlefshëm të përcaktuar në këtë Statut.

17.2 Procedura e likuidimit bëhet në përputhje me legjislacionin shqiptar në fuqi.

 7

17.3 Asambleja e Përgjithshme e Ortakëve cakton një ose më shumë likuidues, duke përcaktuar kompetencat e tyre në përputhje me ligjet në fuqi.

17.4 Shoqëria do të vazhdojë të ekzistojë si person juridik për qëllime të likuidimit deri në përfundimin e procedurës. Gjatë procedurës në fjalë, emërtimi i Shoqërisë do të shoqërohet nga fjalët "në likuidim".

KREU V

DISPOZITAT PËRFUNDIMTARE

Neni 18

Legjislacioni në fuqi dhe zgjidhja e mosmarrëveshjeve


18.1 Ky dokument bazohet në legjislacionin shqiptar dhe interpretimi, vlefshmëria dhe zbatimi i tij do të interpretohet dhe zbatohet në përputhje me legjislacionin shqiptar. Për çështjet që nuk rregullohen me këtë dokument, do të zbatohen dispozitat e Ligjit për Shoqëritë Tregtare.

18.2 Në rast mosmarrëveshjes që lindin ose kanë të bëjnë me interpretimin ose zbatimin e këtij dokumenti, Gjykata e Rrethit Tiranë është kompetente për të zgjidhur çdo pretendim ose mosmarrëveshje.

Ky Statut hartohet në 2 (dy) kopje origjinale në gjuhën Shqipe

Ortakët e shoqërisë LOJOLA Consulting Shpk

Olindo Shehu



Arbërorë Shehu

